



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06, 51/09), člana 69. Statuta Općine Centar Sarajevo ("Službene novine Kantona Sarajevo" broj 23/04) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD Metodologiji ("Službene novine Kantona Sarajevo", broj: 10/18), Općinski načelnik raspisuje:

JAVNI POZIV ORGANIZACIJA CIVILNOG DRUŠTVA/NEVLADINIM ORGANIZACIJAMA ZA SUFINANSIRANJE NAUČNOISTRAŽIVAČKIH PROJEKATA

Pozivaju se organizacije civilnog društva (OCD)/nevladine organizacije registrovane za obavljanje naučnoistraživačke djelatnosti na bilo kojem nivou vlasti u Bosni i Hercegovini, a koje imaju sjedište na području Općine Centar Sarajevo da dostave prijedlog realizacije projekta koji obuhvata slijedeće oblasti:

1. Zaštita okoliša,
2. Umjetna inteligencija,
3. Robotika i mehatronika,
4. Cyber security.

Navedenim sredstvima sufinansirat će se projekat jednog udruženja u okviru kojeg će se provoditi aktivnosti iz navedenih oblasti, koje će realizovati mladi naučnici/istraživači.

Za realizaciju navedenog projekta u Budžetu Općine Centar Sarajevo za 2023. godinu osigurana su sredstva u iznosu 100.000,00 KM.

Općina zadržava pravo da poništi Javni poziv u slučaju da prijedlozi realizacije projekta ne zadovoljavaju zadate kriterije, kao i pravo izmjene iznosa odobrenih sredstava u skladu sa budžetskim sredstvima Općine. Dužina trajanja projekta je 12 mjeseci od dana potpisivanja ugovora.

LOKACIJA:

Projekat će biti implementiran na području općine Centar, u objektu čiji je vlasnik Općina Centar Sarajevo.

PRAVO UČEŠĆA:

Učešće u ovom Javnom pozivu je otvoreno za OCD-a/NVO-e u čijem je fokusu rad u naučnoistraživačkoj oblasti, a koje:

- raspolažu naučnoistraživačkim kadrom iz navedenih oblasti,
- upisane u Spisak omladinskih udruženje Općine Centar Sarajevo,
- posjeduje osnovnu opremu koja omogućava realizaciju planiranog projekta,
- mogu sufinansirati troškove zakupa poslovnog prostora i komunalnih troškova u toku realizacije projekta.

Zainteresirane organizacije civilnog društva detaljne informacije o uslovima za prijavu/apliciranje i kriterijima za finansiranje realizacije projekta mogu pronaći u Smjernicama za podnosiocima prijedloga projekta u okviru Javnog poziva.

PREUZIMANJE DOKUMENTACIJE:

Dokumentacija i informacije vezane za prijavu na Javni poziv za Općinu Centar Sarajevo može se preuzeti sa službene web stranice Općine www.centar.ba, ili lično: Općina Centar, Služba za obrazovanje, društvene djelatnosti, kulturu i sport, ulica Mis Irbina broj 1, Općina Centar Sarajevo, 71 000 Sarajevo.

PREDAJA APLIKACIJA:

Popunjena aplikacija sa kompletnom dokumentacijom dostavlja se na dva načina najkasnije do 21.12.2023. godine do 16,00 sati:

Set dodatne dokumentacije dostavlja se elektronskim putem na email: nvo@centar.ba, Aplikacija sa obaveznom dokumentacijom dostavlja se u štampanoj formi putem protokola (lično ili preporučenom poštom) u periodu od ponedjeljka do petka, u zatvorenoj koverti na adresu:

Služba za obrazovanje, društvene djelatnosti, kulturu i sport Općine Centar Sarajevo

Ulica Mis Irbina br. 1

„Javni poziv organizacijama civilnog društva/nevladinim organizacijama za sufinansiranje naučnoistraživačkih projekata“

Ukoliko jedan od načina prijave izostane, prijava će se smatrati nepotpunom i ista neće biti uzeta u razmatranje.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Svi aplikanti koji su predali prijedloge projekata će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva.

Prispjele prijedloge projekata razmotrit će i ocijeniti Komisija za ocjenu i odabir projekata nevladinih organizacija po LOD metodologiji, imenovana od strane Općinskog načelnika. Rezultati će biti objavljeni na web stranici Općine Centar.

Pitanja po Javnom pozivu mogu se uputiti na mail: nvo@centar.ba

Broj: 13-11-11124/23
Sarajevo, 20.11.2023. godine

Općinski načelnik

Srđan Mandić